



Georg Thunold

Referanser:

Dykkar:

Vår: 14/2638 - 14/18350

Saksbehandlar:

Laila Bjørge

laila.bjorge@meland.kommune.no

Dato:

24.11.2014

Løyvingsbrev GBNR 54/4 - SMIL-2014 -tilskot til restaurering av uteløe

Administrativt vedtak. Saknr: 336/2014

Saksutgreiing:

Vi syner til søknad motteke 24.11.2014

Saksutgreiing:

Meland kommune vart for 2014 løyvd kr 230 000 i SMIL-midlar frå Fylkesmannen i Hordaland. Utval for drift og utvikling vedtok i 2012 ein ny Smil- strategi for 2012-2015 med prioriteringar og satsar for kostnader.

Søknadsfrist var 01.juni 2014.

Då søknadsfristen gjekk ut hadde Meland kommune motteke 17 søknader, m.a. frå Georg Toppe Thunold for gnr. 54. bnr. 4.

Georg Toppe Thunold har søkt om tilskott til:

Miljøplan trinn 2 er krav for søkjar.

Tiltaket ligg i LNF-området i arealplanen og kommunen har ikkje registrert viktige miljøverdiar på arealet. Eigedommen ligg i utkanten av et registrert beiteområde for hjort.

Vedlegg til søknaden som er levert:

Postadresse

postmottak@meland.kommune.no
Postboks 79, 5906 Frekhaug
Besøksadr: Havnevegen 41 A
5918 Frekhaug

Kontakt

www.meland.kommune.no
Telefon +47 56 17 10 00
Telefaks +47 56 17 10 01

Konto 1503 18 83722
Org.nr. 951 549 770

Kartinfo: www.nordhordlandskart.no

- Kart
- Bilder

Bruket har eit jordbruksareal på 28,5 daa, 0 daa skog og 63,6 daa anna areal. Driftsforma på bruket er sauehold.

Kommunen vil prioritere bygningar/byggverk, bygningsmiljø og landskap som er representative og særmerkt for vårt område, og bygningar som kan skape næringsaktivitet.

Kommunen meiner det er viktig å sjå dei ulike tenesteområda i samanheng og byggje vidare på tiltak som allereie er i gong, t.d. beiteprosjekt, gamle turvegar m.m.

Overordna prioriteringar

1. *Gjennomføring av fellestiltak knytt til kartlegging av avrenning frå landbruksareala til vatn og vassdrag.*
2. *Framleis satsing på biologisk mangfald, stell og rydding av beitemark med særleg vekt på truga landskapstypar som kystlyng og strandeng. Denne særlege satsinga skal ikkje fortrenge søknadar som gjeld vanleg beitemark, men er det knappe middel skal ein prioritere kystlynghei og strandeng dersom det kjem slike søknadar.*
3. *Tiltak knytt til å sette i stand bygningsmasse med tanke på ny aktivitet under gamle tak eller tradisjonell bruk og tiltak knytt til tørrmura element og heilskapleg kulturmiljø*
4. *Tiltak hjå nyetablerte bønder dei 5 første åra etter overtaking*
5. *Kartlegging av korleis dei tiltaka som har fått tilskott i perioden 2004 til 2011 har utvikla seg etter kvart..*

Vidare vil føretak som driv aktivt gå føre føretak som ikkje driv. Nyetablerte kan prioriterast. Det vert sett krav om at før utbetaling kan skje til nyetablerte, må det vere beitedyr på garden.

LNF-ja-område kan gjevast midlar når det vert sett krav om tilbakebetaling av midlane om arealet ikkje vert nytta til beite i 10 år. LNF-ja-område skal ikkje prioriterast.

Tematisk vil ein ha slik prioriteringsrekkefølge ved tildeling av midlar:

1. *Planlegging av fellestiltak.*
 - Felles kartlegging knytt til avrenning frå landbruksareala
 - Felles beitetiltak i utmark – kystlynghei og strandengar
2. *Biologisk mangfald.*
 - Område som nemnd i naturtypekartlegginga vil verta prioritert
3. *Gamal kulturmark.*
 - Skjøtsel av lynghei
 - Tiltak i beitebruksplanar
 - Rydding og inngjerding av innmarksbeite inkludert beiteskog
 - Bruk som har husdyr for å skjotta kulturlandskapet, men ikkje mottek produksjonstilskot.
 - Natureng jf. naturtypekartlegginga

4. *Tilgjenge, opplevingskvalitet.*

- Tiltak i område der det er gjort eller planlagt andre skjøtselstiltak herunder utviding av eksisterande stinett
- Tiltak som førebygg konflikter mellom landbruk og allmenta t.d. sjølvluukkande grunder, gjerdeklyv vil verta prioritert.

5. *Kulturminne og kulturmiljø.*

- Restaurering og/eller rydding langs tørrmurar herunder bakkemurar, steingardar, torvhus, potekjellarar, kanalar m.m.
- Restaurering av småhus og byggverk knytt til særmerkte driftsformer i kommunen t.d. smier, kvernhus, ishus og vargotter (steinmoloer i sjø for varelevering).
- Medverka til å utvikla kulturmiljøet knytt til Ypsøy kystgard

6. *Freda og verneverdige bygningar.*

- Naustmiljø, grindbygg, skjenefflorar, gardfflorar(vårfflorar) sjøbuer og andre bygningar knytt til kystkulturen.

Vurdering:

Tematisk prioritering: 5

Prioritering totalt sett: 3

Uteløe ligg innanfor i registrering for kystlynghei i Meland, men arealet er i attgroing. Det er difor positivt at ein del av arealet er vorte gjerda inn og at uteløa kan nyttast i sauedrifta for å få meir vinterbeiting. Det er anbefalt at delar av lyngmarka bør sviast.

Reknestykket vert slik:

Tiltak	Mengde	Einingskostnad	Kostnad kr	Tilskots%	Tilskot kr
Område synt på kart					
Matriall kostnader		6700	6 700		
Arbeid, timer	110	200	22 000		
Sum			29000	50	14 500

Timesatsen for arbeid har vorte redusert, da øvre godkjente timesats er 200kr/time. Det er gitt tilskot både til restaurering og rydding av noko areal rundt uteløa.

Søknaden er vurdert i høve til naturmangfaldlova og ut i frå den kunnskap som administrasjonen har om viktige miljøverdiar på Husebø er tiltaket ikkje i konflikt med dei omsyn som lova skal ta vare på (jf §§ 8-12).

Vedtak

<”Meland kommune løyver kr 14.500 i tilskot til Georg Toppe Thunold på gnr. 54. bnr. 4. Løyvinga er eit eingongstilskot.

Vedtaket har heimel i §§ 5 og 8 i ”Forskrift om spesielle miljøtiltak i jordbruket”.

Løyvinga vert gitt på følgjande vilkår:

Generelle vilkår:

- Frist for gjennomføringa av tiltaka er sett til inntil tre år frå løyving: 01.12.2017.
- Det kan søkjast om utsetjing av arbeidsfrist i inntil to år ut frå skriftleg grunngjeving, seinast ein måned før oppsett frist går ut.
- Søkjar har forplikta seg i høve til ein rekkje punkt ved underskrift av søknadsskjema, jf pkt 5 i søknadsskjema.
- Løyving av tilskot inneber ikkje at tiltaket er godkjend i høve til anna regelverk. Det er difor viktig at søkjar før gjennomføring av tiltak gjer seg kjend med aktuelle lover og forskrifter.

Regional kulturminneforvaltning.

Kulturminne og kulturmiljø som er freda etter Kulturminnelova, skal handsamst særskild. Regional kulturminneforvaltning må kontaktast ved t.d. istandsetting av freda bygning eller skjøtsel kring ein automatisk freda gravhaug, dersom dette går ut over tradisjonell bruk av området til slått eller beiting.

Utbetaling av tilskot og utsetjing av arbeidsfrist.

- Tilskot vert utbetalt når tiltaket er gjennomført i tråd med løyvinga.
- Søknad om delutbetaling av inntil 75 % av løyvd tilskot når tilsvarande mengd arbeid er utført.
- Resterande del på 25 % vert utbetalt når tiltaket er fullført og sluttregneskap er godkjend av kommunen.
- I søknad om sluttutbetaling skal det leggjast ved regneskap med timelister, faktura og foto. Meland kommune har utarbeidd skjema til dette.
- Til utbetaling vil konto som oppgjeve på søknaden verte nytta. Søkjar plikter å informere skriftleg om endringar.
- Søknad om utsetjing av arbeidsfrist skal rettast til kommunen. Det er viktig at ein søker om utsetjing i god tid før fristen går ut, minimum ein måned før.

Kontroll.

Kommunen kan kontrollere at arbeid er gjort som omsøkt, jf § 9. Sakshandsamar hos Fylkesmannen kan også synfare tiltak.

Statens Landbruksforvaltning eller Riksrevisjonen kan krevje naudsynte opplysningar og kontrollere at bruken av tilskotsmidlane er i tråd med føresetnadane.

Omgjering av vedtak.

Kommunen kan omgjere vedtak om løyvd tilskot dersom det oppstår tilhøve som er i strid med føresetnadane for løyvinga eller tilskotsordninga, jf § 10.

Kommunen minner om at løyvd tilskot kan trekkjast attende, heilt eller delvis, dersom det oppstår tilhøve som er i strid med føresetnadane for ordninga.

Avgjerd om tilskotsstorleik og vilkår kan påklagast, jf forvaltningslova §§ 27 og 28.

Fylkesmannen si landbruksavdeling i Hordaland er klageinstans. Ei eventuell klage må vere grunngjeven og sendt kommunen seinast 3 veker frå den dagen vedtaket er motteke, jf vedlagte klageskjema.”

Med helsing

Anny Bastesen
sektorsjef teknisk

Laila Bjørge
landbrukssjef

Dokumentet er elektronisk godkjent og har difor ingen signatur.

Vedlegg:

20141124114030

Kopi til:

Fylkesmannen si landbruksavdeling Postboks 7315 5020 BERGEN

Mottakere:

Georg Thunold